


清·方略館 編

清代 方略 全書

北京圖書館出版社





清代方略全書

—三〇—

清·方略館編

北京圖書館出版社

欽定勦平粵匪方略卷二百七十八

辛酉年

十一月初二日

丙戌

毛鴻賓奏言粵逆石達開由

慶遠里旺下竄融縣等處距青林界僅三里許

九月二十三日該逆分股直撲青林界營卡副

將周洪印等派兵迎擊先後斃賊百餘名賊知

青林界難以竄越復分股由懷遠綏甯各屬竄

入臨口雙江等處查雙江可由靖州以西入蜀

臨口可由綏甯等處東入江口現飛調席寶田
等取道東安新甯馳赴武岡與江忠義合軍探
明賊蹤相機迎勦復咨會廣西撫臣劉長佑貴
州提臣田興恕迅派得力兵勇視賊所向與楚
師併力會勦臣維石逆前歲敗竄入粵踰伏兩
年死黨相從尙復不少現乘機糾合奪路竄楚
不獨湖南久爲該逆所垂涎卽西伺川南東窺

江右皆足爲忠惟有嚴督在事文武激勵將士
四面兜圍以期殲除巨憝西谷劉升兩平賊
上命毛鴻賓又奏言接准吏部咨奉訓秉章手諭
上諭記名道江忠義著賞給二品頂戴署理貴州巡
撫查貴州巡撫需員江忠義欽奉南軍機處奏
恩命署理應卽馳赴新任惟現值石逆竄入楚境江
忠義帶兵扼剿甚屬喫緊若遽易生手誠恐呼

應不靈合無仰懇

天恩准將江忠義暫留湖南以資統率俟蕩平石逆
楚境肅清後再赴署任庶於湖南軍務有裨奏

上命議政王軍機大臣傳諭田興恕駱秉章毛鴻賓
毓科劉長佑曰石逆竄入廣西後踰伏兩年現復
逸出關入湖南臨口雙江等處逆燄甚熾毛鴻賓

已派江忠義等水陸官軍勦辦卽著督飭將弁確
探賊蹤實力兜擊並著田興恕劉長佑調派得力
官軍星馳前進與湖南兵勇會合夾擊不得稍涉
遲誤石逆垂涎蜀省已久江西爲該逆熟徑將來
被勦窮蹙難保不意圖竄擾著駱秉章毓科嚴飭
邊界地方文武嚴密防堵並勤加偵探相機籌辦
署貴州巡撫江忠義著俟湖南軍務稍平卽行赴

任

初四日

戊子

江甯將軍都興阿奏言逆匪雖疊經

懲創其大股仍屬聚於天六山沒靡常現探得

六合逆匪五千餘人糾合黨援欲圖東犯又探

天長踞逆出竄秦欄六邑逆匪擾至金家集等

處四出竄擄

臣

飭總兵詹啟綸派隊直擣官橋

進攻金家集等處副都統海全杜嘎爾率領所

部進勦秦欄踞匪該逆數百沿河列隊營總富勒慶阿等由上下游沿岸抄擊槍箭齊施逆勢不支我軍乘勝痛勦斬殺殆盡賊棄壘而逃當將逆壘全行踏毀其金家集逆匪經層啟綸等派隊兜擊殺斃悍賊數十名賊衆敗退各奔營壘我軍槍礮連環攻擊逆勢慌亂越濠奪路狂奔官軍一擁而進當將逆壘二座同時攻破斬

殺甚衆餘逆向西路一帶逃遁其下游水師疊
據探報江陰逆匪糾集蘇常賊黨在江南各港
焚掠意圖偷渡總統水師黃彬等分飭各鎮將
嚴加堵禦旋見內河賊船陸續出竄當卽連開
大礮擊沈賊船數隻逆衆紛紛落水復擊沈賊
船二隻生擒賊匪多名賊匪復由水陸併竄超
瓢六州等處擄船欲圖北犯各艇師開礮轟擊

逆匪敗退官軍登岸追殺十餘里擒獲長髮老
賊多名刻下石橋灣超瓢包港等處均無匪蹤
江面一律肅清奏入

上諭內閣曰此次天長踞逆四出竄掠經都興阿督
飭詹啟綸等分路兜擊疊破逆壘肅清江面惟該
逆雖疊受懲創難保不復萌窺伺著都興阿督飭
將士妥爲布置以固江北藩籬

同日馮子材奏言據探陳逆遁回寶堰招集賊黨圍集馬陵並糾合丹陽等處賊匪圖撲鎮城臣派副將文龍德等率領馬步隊一千五百名直擣馬陵復令參將田慶和等帶領馬步隊一千五百名馳往應援文龍德一軍馳抵馬陵該逆列陣迎拒我軍奮力衝擊斃賊無算賊敗遁花村田慶和等分隊進攻將花村賊匪擊敗斬

獲極多臣現激勵將士乘勝進剿並飭加意嚴

防不敢鬆勁奏入報

聞

初七日

辛卯

上命議政王軍機大臣傳諭都興阿魁玉馮子材曰

江南地方被賊橫踞惟京口一城孤立江濱安危

所關非細現在寶堰白兔等處賊黨麕集數萬一

且直撲鎮城事機尤關緊切聞該城一載以來得以固守無虞者皆由巴棟阿與馮子材調度合宜旗綠兩營聯爲一體所以防勦一切呼應便捷事機無誤現在魁玉已到鎮城雖係專轄旗營而與馮子材所帶綠營官兵實係患難與共必得彼此聯爲指臂方能所向有功著魁玉馮子材嗣後軍務緊要務須遇事和衷會商辦理使旗綠兩營仍

聯一體不得彼此心存畛域致誤事機將來海全
到任後亦必應查照巴棟阿一切舊章辦理該副
都統總兵等同辦一事當此軍務萬緊必當共矢
公忠同心戮力克保危城至都興阿駐軍江北與
京口輔車相依該處軍務情形亦應隨時關照無
使疏虞

十一日 乙未 官文李續宜奏言查隨州踞逆率黨

萬餘負嵎固守並於城外築壘浚濠抗拒我師
道員劉嶽昭與副都統舒保輪流攻勦該逆堅
守不出遂設計誘賊出城密派李復勝等軍豫
伏吳家店及距城二十里之西河等處以便邀
擊十月初一日該逆由西南兩門齊出沿河繞
竄各營乘勢由東北殺入旋將隨州城池克復
劉嶽昭會同舒保親率馬步各隊並團練紳勇

合力截剿各處伏兵突起包抄夾擊該逆進退
無路統計斃賊萬餘人生擒一千五百餘名救
出難民千餘名奪獲器械無算所有悍賊頭目
殄滅殆盡此次攻克堅城盡殲醜類所有出力
及陣亡員弁可否仰懇
天恩給予獎卹奏入

上諭內閣曰前據官文李續宜奏官軍克復隨州城